



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Quomodò sit intelligendum, quandò dicitur, sacramenta, opera, oratio,
ieiunium, eleemosyna, charitas, &c. remittunt peccatum.

urn:nbn:de:hbz:466:1-29452

tus hominis est, quæ possit remittere peccatum, & d
re vitam æternam, saluare & iustificare, sed solus D
us reseruat sibi hanc gloriam, de qua ait: Gloriam
meam non dabo alteri, illius est saluare & iustificare.
Solum igitur Christi meritum & mors pœnalisima,
hoc vnicum opus propitiatorium, semel ista meruit.
Est igitur remissio peccatorum & vita æterna à sole
Deo.

Esa. 42. &
48.

2: Deo.

Luce 7.

Quæritur, si remissio peccatorum & vita æterna
est à solo Deo & merito Christi, & nobis gratis distri
buitur ex misericordia propter Christum: cur ergo
scriptura tribuit operibus illa duo, remissionem
scilicet & vitam? Dan. 4. Peccata tua eleemosyna
redime. Et Tob. 4. Eleemosyna ab omni peccato
& à morte liberat. Et Christus in Euangelio Luce 12.
Date eleemosynam, & ecce omnia munda vobis erici
Item Matthæi 19. Si vis ad vitam ingredi, serua m
data: &, Remittuntur ei peccata multa, quia dilexit
multum. & Ioan. 5. Et procedent qui bona fecerunt
in resurrectionem vitæ: &c. Et Paulus Romanos 1.
F Gloria & honor & pax omni operanti bonum. Ga
lat. quinto. Qui seminat in Spiritu, de Spiritu meret
vitam æternam, &c. Hæ & consimiles autoritates
scripturæ sic sonare videntur, quod & ipsa opera à so
bis sic operata, sua virtute & dignitate nobis impe
tent remissionem peccatorum & vitam æternam.
Respōdeo: Vulgus malè intelligit sic scripturā: nam
hoc esset detrahere Deo suam gloriam & honorem
qui dicit propter seipsum remittere peccata, Esa. 43.
Hoc est derogare Christo, quia aliás gratis venisset
passus fuisset, Galat. 2. si nos operibus & virtutibus
nostris operatis possimus mereri vitam æternā & re
missionem peccatorum. Ideò sic intelligendæ sun
scripturæ authoritates, quod D E V S per hæc mea
distribuit ista sua & Christi beneficia, non sic pro
pter

pter ipsa, quasi sint causa & fons remissionis & vi-
tæ: nam causa & fons est Dei bonitas, ipsa passio Chri-
sti: quare opera, sacramenta & virtutes non remit-
tunt peccata propria sua dignitate & conditione, ne-
que donant vitam, sed Deus suam misericordiam &
beneficia per hæc distribuit. Promisit nobis Deus cre-
dentibus remissionem & vitam, sed huic promissio-
ni addidit quasdā externas notas subiectas sensibus,
id est, sacramenta visibilia, baptismum, cœnam, pœ-
nitentiam &c. opera pia, eleemosynam, remissio-
nem offensæ. Matthæi 6. vt illæ notæ nos admoneat
& certificant de remissione & illa Dei promissione,
si fuerint obseruatæ à nobis, vt cum suscipio sacra-
mētum baptismi, certificor de promissione remissio-
nis: si remisero offensam proximi, certificor de remis-
sione apud Deum, non quod baptismus aut remissio
offensæ aut aliud opus remittat peccata, & donet vi-
tam æternam: sed istis notis, id est, sacramentis & o-
peribus, ego certificor de promissione remissionis,
quod eam iam accepi: ideo vt memoria promissionis
Dei semper duraret, adiecit Deus hæc visibilia sacra-
menta & opera. Quare non solum est considerandū
sacramentum, ceremonia vel opus, sed potissima re-
quirenda est promissio circa hoc opus externum ad-
iectū, cuius promissionis causa & gratia admonitio-
nis, hoc signum, sacramentum vel opus, à Deo insti-
tutum est. Deus ergo per hæc media remittit pecca-
ta, donat vitam æternam, non autem ipsa media, vel
sacramenta vel opera. Quisquis verò contemnit has
notas adiectas promissionibus diuinis, nempè sacra-
menta, baptismum, cœnam, eleemosynam, oratio-
nem, remissionem offensæ &c. is sibi persuadeat pro-
 certo, nec ipsum capacem esse promissæ remissionis
peccatorū & vitæ æternæ. Qui autem illa vel suscep-
tit vel fecerit, circa illam fidem in promissionē Dei,
circa hoc opus factū, accipit fructū ex fonte & mise-

L 2 ricor-

ricordia Dei ac meriti Christi, non operis operati:
Et sic gloria soli Deo seruatur. Psalm. 113. Non no-
bis Domine, non nobis, sed nomini tuo da gloriam.
Et Luce 17. Nos serui inutiles sumus: ipse totum dat
& promittit operibus, ab illo totum procedit. Quod
autem beneficium Dei nobis sic distribuitur, ex me-
rito Christi est, non ex merito & dignitate operum
nostrorum. Ipse promittit & donat eam dignitatē o-
peri, quod per illud tanquam per medium, distribuit
beneficium. Opus ipsum ex natura non habet, ergo
Deus remittit & dat vitam. Ut igitur frequens occa-
sio nobis esset quærendi largam Dei beneficij Chri-
sti distributionem, alligat illam nunc fidei, nunc sa-
cramentis, nunc orationi, nunc ieiunio, eleemosy-
næ, obseruantiae proceptorum, &c. Non ut illa sint
causa & fons distributionis, sed Deus sic largus, sic di-
ligens nos, ubique offert occasionem, ut pulsémus ac
accipiamus per hæc media Christi thesaurum. Ipse
Deus dat & distribuit per hæc media. Media enim hoc
non efficiunt, ut dictum est.

3. Quoniam verò Christus adhuc est in mundo, im-
mò dicit: vobiscum sum usque ad consummationem
seculi, Matthæi vltimo, ergo & hodiè quærit saluos
facere peccatores per verbum suum, per quod vocat
ad pœnitentiam. Igitur remissio & promissio vita,
durat & efficax erit usque ad diem nouissimum pro-
pter Christum. Igitur non semel, sed septuages se-
pties, Matthæi 18. id est, toties quoties opus fuerit,
vult remittere peccatum, & quotidie iubet orare di-
mitti nobis debita, non semel, Matt. 6. Ideò sicut sol
ordinatione Dei stabit in cœlo usque ad vltimum, i-
ta promissione Christi qua vult esse nobiscum usque
ad consummationem seculi, durabit remissio pecca-
torum, modo nos pœniteamus, & redeamus ad Chri-
stum, qui prior est ad miserandum, quam nos ad
pœnitendum.

CAPUT